

## **Plenchi**

### **Bèl a bati**

**TRINGG TRINGGG bèlèm..... TRINGG TRINGGG bèlèm.....Felis**  
año 2018 pa bo. Esta kontentu nos di topa ku bo riba plenchi den 2018.  
Nos a karga ku otro, sostené otro i kompartí plenchi ku otro henter  
2017 ku hopi plaser. Ta un privilegio pa den 2018 nos atrobe por  
kompartí plenchi ku otro. Nos lo tei riba plenchi tur siman di skol pa  
topa ku bo. No laga nos na kaya, paso plenchi sin bo no ta e kos. Ta bo  
ta trese e ambiente i zjeitu pa nos por kompartí ku otro.  
Nos ta pidi lùs pa bo den 2018, sabiduria i hopi legria den bo kurason.  
Paso nos lo topa reto na kaminda, pero nos ta enfrentá nan huntú ku fé i  
konfiansa ku Spiritu Santu lo guia kada paso.  
Ban pa un año yená ku lùs i amor.

### **Riba roster**

**Djadingu awor, 21 di yanuari, ta dia ku nos ta rekordá e alumno**  
**sobresaliente Andrew Isabella q.e.p.d.**  
**Djaluna na tur nos skolnan, lo duna e alumno ku a sobresalí na skol**  
**riba un of otro tereno un sertifikado di prestashon eksepsional. Nos ta**  
**resa pa pas na alma di Andrew Isabella i forsa pe e famia kompleto.**  
**Pabien na tur hóben ku a haña rekonosementu i ban sigui traha pa**  
**ekselensia. Danki na tur skol pa e esfuerso pa pone atenshon na e**  
**komportashon i prestashon positivo di nos hobennan.**

### **Den agènda**

#### **Liber di skol:**

**Februari dianan 5, 12,13,14 pa karnaval.**

**Mart dia 26 pa aprel dia 4 Pasku Grandi.**

#### **Liber nashonal:**

**Febr 12 pa Karnaval grandi**

**Mart dia 30 Bierne Santu**

**Aprel dia 2 Dos dia di Pasku Grandi.**

<b>Alumno ehemplaar 2018</b>	
<b>number</b>	<b>skol</b>
Cristina Wu	St. Albertus College
Xavier Werlemar	Kolegio Maria Auxilaidora
Alexandra Goarrieno	Kolegio Bellefaas Martis
Dylan Benita	Berg Carmel College
Rayen Hatona	Kolegio Mgr. Willem Ellis
Di-Viona Daal	Kolegio Chaya Willems
Ligmari Davelaar	Kolegio Sta. Clara
Miguel-Angel Muñoz Perez	Coromoto College
Clara Perret Gentil	Kolegio San Dominico
Queen-Natsharee Ursulita	Kolegio Don Sarto
Devdjani Bregita	Fatima College
Jill-Seny Felida	St. Franciscus College
Jiaying Wu	Kolegio Sta. Famia
Jeneline Libiee	Kolegio San Hose
Randyson Olaria	Kolegio Dodo Palm
Dudley Ustasia	Kolegio Iris Bruyning
Fedline Gilles	Kolegio Nechi Pieters
Latisha Constancia	Mgr. Niewindt College
Qiana Gomes	V. Jonckheer-Mensing College
Elliana Pita de Coito	Kolegio Annie Koenraad
Tamone Bailey	Sta. Rosa de Lima College
Edmeline Kirindongo	St. Antonius College
Alán Comenentia	St. Joris College
Thailis Matos Inecia	Kolegio San Martin de Porres
Jia-Ling Wu	St. Paulus College
Charayneli Sintjacob	Glorieux College
Jadiël Martis	Ala Blanca School
Shuraino Martina	Blenchi School
Melissa Eduards	Soeur Hedwig School

Jernalyz Martis	Br. Rigobertus School
Q Shawn Camelia	J.F. Kennedy School
Cameron Olaria	Fr. Evonius School
Nathanielle R. Q. Simithe	Kolegio Sur Herman Joseph
Rosemariënne Look	Maria College
Azzino Jagbir	Maris Stella VSBO
Jean Maurice Faneytre	Maris Stella SBO
Shey-Niron Piar	Joseph Civilis VSBO
Edmar Girigori Concepcion	Joseph Civilis AGO

## **Not'é riba bòrchi**

**Dia 11 di yanuari Rk a habri aña nobo ku un brindis kombiná ku rekonosementu na tur hubilario. Nos tabatin 55 hubilario.**

<b>Aña</b>	<b>hende</b>
<b>45</b>	<b>2</b>
<b>40</b>	<b>3</b>
<b>35</b>	<b>19</b>
<b>30</b>	<b>15</b>
<b>25</b>	<b>16</b>

**Total nos a selebrá un kantidat di 1725 aña di servisio di personal dosente i no dosente. Danki na kada un. Na e okashon aki a yama nan danki i a brinda pa e aña nobo.**

**Pastor Curtis a trese un palabra pa yama danki pa e bon trabou di e dosentenan. Prof. Dr. Ashley Duits, presidente di kuerpo di supervishon, a yama danki pa e trabounan duru i tur esfuerso i sakrifisio pa nos hóbennan.**

**Sra. van Lamoen-Garmers, direktora di RK, tambe a dirihí palabra na tur presente. Aki un resumen di su mensahe:**

*Inspirá pa e diskurso di Papa Francisco na final di 2017, mi ke elogiá tur personal, dosente i mayor ku durante e aña ku a pasa a kumpli mihó posibel ku nan debenan di tur dia. Nos ta honra tur esnan ku ta hasi esaki diskretamente, i ku ta enrikesé bida di nan alumnonan òf koleganan ku gestonan chikitu pero presioso for di nan mes bondat i nan Fe den Dios. Nos ta gradeseido tambe na tur esnan ku ta un ehèmpel pa nos hóbennan, i ku asina ta hasi hubentut konsiente di e étika i balornan ku ta karga nos sosiedat. Nos ta yama un danki spesial na nos hubilarionan ku a dediká hopi*

*aña di nan bida na nos enseñansa. No-opstante kua funshon nan tin, riba ún punto nan trabou ta korespondé ku otro. Es desir ku direktamente òf indirektamente nan ta yuda forma hubentut, i di e manera ei ta forma e pais ku Kòrsou lo ta mañan.*

*Si bo ta kere ku hende ta eksaherá e influensha ku trahadónan den enseñansa tin riba formashon di sosiedat, kishikí bo memoria. Ken no ta kòrda kon dushi ta ora bo topa amigunan di ántes, i tur kuminsá konta nan rekuerdonan di skol? Hopi biaha e rekuerdonan ta bai riba tal mener òf tal yùfrou, tal kònsièrge o sekre òf kualke otro hende ku a hasi un impreshon. Djis imaginá bo kuantu bida di mucha bo por influenshá den tantu aña di servisio. Trabou den enseñansa nó ta fásil. Pero tur dia di nobo kada un di nos tin chèns pa bria manera un djamanta den bida di nos muchanan.*







## **Mucha djispou**

**Tabatin 2 ruman. Un yama Kèns i e otro yama Bientu. Un dia kanando den mondi, Bientu a kai den un pos. Na kareda Kèns a kore bai bisa polis.**

**Ken: “Shon polis, Bientu a kai den pos”**

**Polis: “Ken a kai den e pos?”**

**Kens: “Bientu”**

**Polis: “Bon ta Kèns bo ta”**

**Kens;”Si shon Polis un plaser”**